

Na osnovu člana 16. stav 4. Zakona o Vladi Zeničko-dobojskog kantona-Prečišćeni tekst („Službene novine Zeničko-dobojskog kantona“, broj 7/10), a u vezi sa članovima 47. i 51 Zakona o izvršavanju Budžeta Zeničko-dobojskog kantona za 2014. godinu, („Službene novine Zeničko-dobojskog kantona“, broj: 15/13), na prijedlog Ministarstva za privredu, Vlada Zeničko-dobojskog kantona, na 168. sjednici, održanoj dana 12.06.2014. godine, d o n o s i

## **ZAKLJUČAK**

### **o usvajanju Programa utroška budžetskih sredstva od koncesija u 2014. godini**

#### **I**

Usvaja se Program o utrošku budžetskih sredstava od koncesija u 2014. godini Ministarstva za privredu Zeničko-dobojskog kantona, u iznosu od 650.000,00 KM (slovima: šeststotinapedesethiljada konvertibilnih maraka), koji čini sastavni dio ovog zaključka.

#### **II**

Sredstva iz tačke I. ovog zaključka realizovat će se u skladu sa odobrenim mjesečnim operativnim planovima, a usklađeno sa realizacijom ostvarenih javnih prihoda u prethodnom mjesecu, osim u slučajevima odobrenim posebnom odlukom Vlade Kantona.

#### **III.**

Ovim zaključkom stavlja se van snage Zaključak Vlade Zeničko-dobojskog kantona o usvajanju Programa utroška budžetskih sredstva od koncesija u 2014. godini, broj: 02-14-3235/14 od 12.02.2014. godine čiji je sastavni dio Program o utrošku budžetskih sredstava od koncesija u 2014. godini, broj: 02-14-3235-1/14 od 12.02.2014. godine.

#### **IV.**

Zaključak stupa na snagu danom donošenja.

**PREMIJER**

Broj: 02-\_\_\_\_\_/14.  
Datum, 12.06.2014. godine  
Zenica

*Munib Husejnagić, dipl.ing.maš.*

DOSTAVLJENO:

1x Ministarstvo za privredu,  
1x Ministarstvo finansija,  
1x a/a.

Bosna i Hercegovina  
Federacija Bosne i Hercegovine  
**ZENIČKO-DOBOJSKI KANTON**

**MINISTARSTVO ZA PRIVREDU/GOSPODARSTVO**



Bosnia and Herzegovina  
Federation of Bosnia and Herzegovina  
**ZENICA-DOBOJ CANTON**

**MINISTRY OF ECONOMY**

**PROGRAM  
UTROŠKA BUDŽETSKIH SREDSTAVA OD KONCESIJA  
U 2014. GODINI**

Zenica, juni 2014. godine

## **UVOD**

Izrada Programa utroška budžetskih sredstva u 2014. godini-Realizacija projekata Vlade koji se finansiraju iz prihoda od koncesija, propisana je članovima 47. i 51. Zakona o izvršavanju Budžeta Zeničko-dobojskog kantona za 2014. godinu ("Službene novine Zeničko-dobojskog kantona", broj: 15/13 od 31.12.2013. godine)

Izvori finansijskih sredstava po osnovu koncesionih naknada utvrđeni su koncesionim ugovorima potpisanim između Ministarstva za privredu i pojedinih privrednih subjekata koji su se odlučili na istraživanje i eksploataciju čvrstih mineralnih resursa.

Raspodjela prihoda od koncesione naknade je vršena prema Odluci Vlade Kantona u omjeru 70% prikupljenih sredstava pripada općinama na čijoj teritoriji se vrši eksploatacija i 30% Kantonu. Upravljanje sredstvima obavljali su Ministarstvo za privredu i općine prema vlastitim Programima utroška za svaku godinu.

## **IZVOR FINANSIRANJA**

Budžetom Zeničko-dobojskog kantona za 2014. godinu, („Službene novine Zeničko-dobojskog kantona“, broj: 15/13 od 31.12.2013. godine) utvrđena su finansijska sredstva, ekonomski kod 614 100-Grantovi drugim nivoima vlasti, odnosno subanalitika IAD002-Realizacija projekata Vlade koje se finansiraju iz prihoda od koncesija u iznosu od 650.000,00 KM

## **ALOKACIJA SREDSTAVA**

Imajući u vidu raspoloživa sredstva, Ministarstvo za privredu je planiralo utrošak utvrđenih sredstava na sljedeći način:

### **1. OTKLANJANJE NASTALIH POSLJEDICA OD POPLAVA**

**UKUPAN IZNOS: 600.000,00 KM**

#### **Svrha:**

Svrha ovog programa, kao prioritetnog cilja, je organizovano otklanjanje šteta u privrednim društvima na području Zeničko-dobojskog kantona, nastalih nakon poplava.

Finansijska sredstva, kao jednokratna pomoć, privrednim subjektima dodjeljivat će se na osnovu mjerljivih kriterija. Kriteriji će biti usvojeni Odlukom Vlade Kantona, a na prijedlog Ministarstva za privredu.

**Nosilac:** Ministarstvo za privredu

**Organizacija – primalac:** privredni subjekti

**Kriterij:** Odluka Vlade Kantona

### **3. PROVOĐENJE POSTUPKA NADZORA I REALIZACIJE KONCESIONIH UGOVORA**

**Iznos: 20.000,00 KM**

#### **Svrha:**

Svi koncesioni ugovori sadrže mogućnost i obavezu kontrole i utvrđivanja eksploatisanih količina mineralnih i drugih resursa.

Posebno značajno je precizno utvrđivanje i sa predstavnicima privrednih subjekata utvrđivanje eksploatisanih mineralnih resursa. Stoga je neophodno povremeno izvršiti geodetska mjerenja kamenoloma, angažmanom ovlaštenih organizacija odabranih Javnim pozivom.

Pored navedenog, dio sredstava će biti upotrebljen za finansiranje nadzora koncesionara putem Komisije za kontrolu koncesionih ugovora i Komisije za utvrđivanje javnog interesa i provođenja postupka dodjele koncesija.

**Organizacija – primalac:** Najpovoljniji ponuđači za provođenje mjerenja i Komisije

**Kriterij:** Elementi utvrđeni Javnim pozivom i Odluke Vlade

### 3. REZERVA

**Iznos : 30.000,00 KM**

**Svrha:** Sredstva rezerve se mogu koristiti isključivo za projekte kompatibilne izvoru sredstava

**Organizacija – primalac:** Korisnik poticaja

**Kriterij:** Odluka Vlade Kantona

### REKAPITULACIJA

R.br.	Naziv programa	Planirana sredstva /KM/
1.	Otklanjanje nastalih posljedica od poplava	600.000,00
2.	Provođenje postupka nadzora i realizacije koncesionih ugovora	20.000,00
3.	Rezerva	30.000,00
<b>UKUPNO:</b>		650.000,00

**PREMIJER**

Broj: 02- \_\_\_\_\_ -1/14.

Datum, 12.06.2014. godine  
Zenica

*Munib Husejnagić, dipl.ing.maš.*

DOSTAVLJENO:

1x Ministarstvo za privredu,

1x Ministarstvo finansija,

1x a/a.